



II ХАЛҚАРО ИЛМИЙ-АМАЛИЙ КОНФЕРЕНЦИЯ

**Ўзбекистон Республикаси ҳаракатлар
стратегияси: макроиқтисодий
барқарорлик, инвестицион фаоллик ва
инновацион ривожланиш истиқболлари**

**Илмий маъруза ва мақолалар
тўплами**

II ШУЎБА

2019 йил 27-28 май

Кичик бизнес субъектларини инвестициялаш: хориж тажрибаси, муаммо ва ечими

Рўзиева Дилобар Исомжоновна¹

¹иқтисод фанлар номзоди,
ТДИУ, Саноат иқтисодиёти кафедраси доценти,
e-mail: d.ruzieva@tsue.uz

Мамлакат иқтисодиётида чуқур иқтисодий, инновацион ривожланиш жараёни кечаётган бир вақтда ҳар бир соҳада бўлгани каби кичик бизнес ва хусусий тадбиркорлик соҳасини янада ривожлантириш, хусусий мулкдорларнинг ҳуқуқлари ва қонуний манфаатлари ҳимоясини жаҳон талаблари даражасида таъминлашга эришиш билан боғлиқ бўлган муаммоларни бартараф қилиш борасида бир қатор имкониятлар яратилмоқда.

Юртимизда давлат ва ишбилармон ўртасидаги мулоқотлар бевосита замонавий интерфаол шаклларда жорий этилмоқда. Айниқса, мамлакат иқтисодиётида охириги йилларда кичик бизнес ва хусусий тадбиркорликнинг ўрта синфни шакллантириш, мамлакат иқтисодиётини барқарор ривожлантиришда уларнинг салмоғини ошириш, янги иш ўринларини яратиш ва шу орқали аҳоли даромадларини оширишга эришиш борасида етарлича қонуниятлар яратилган.

Президент Ш.Мирзиёев Олий Мажлисга қилган Мурожаатномасида кенг қамровли иқтисодий ислохотлар негизидаги мақсадларга эришишнинг устувор вазифалари қаторида тадбиркорлик фаолиятини қўллаб-қувватлаш бўйича ишлар жадал давом эттирилишини алоҳида таъкидлаб ўтди.

Давлатимиз раҳбари мамлакатимизда тадбиркорлик фаолиятини жадал ривожлантириш зарурлигини буюк аллома Нажмиддин Кубро ҳазратларининг «Муваффақиятни – саъй-ҳаракатда, муваффақиятсизликни эса – лоқайдлик ва дангасаликда кўрдим», - деган ҳикматли сўзлари билан ифодалаб, «Ҳақиқатан ҳам, биз фақат фаол тадбиркорлик, тинимсиз меҳнат ва интилиш орқали тараққиётга, фаровон ҳаётга эриша оламиз» деган қатъий фикрни илгари сурди [1].

Бизга маълумки, кичик бизнес ва хусусий тадбиркорлик субъектлари ўз фаолиятларини анъанавий ва инновацион тадбиркорлик шаклларида ташкил қилишлари мумкин. Фаолият қандай турда олиб борилишидан қатъий назар, у мамлакат иқтисодиёти учун, инсонлар учун наф келтирадиган даражада хизмат қилиши керак.


Бизнес фаолиятини қандай шаклда ташкил этишдан қатъий назар уни инвестициялаш борасидаги муаммолар бугунги куннинг энг долзарб масалаларидан бири ҳисобланади.

Ўзбекистон Республикаси Президентининг 2017 йил 7 февралдаги “Ўзбекистон Республикасини янада ривожлантириш бўйича ҳаракатлар стратегияси тўғрисида”ги фармонида олиб борилаётган ислохотлар самарасини

янада ошириш, давлат ва жамиятнинг ҳар томонлама ва жадал ривожланиши учун шарт-шароитлар яратиш, мамлакатни модернизация қилиш ҳамда ҳаётнинг барча соҳаларини либераллаштириш кичик бизнес ва хусусий тадбиркорликни ривожлантириш ва хорижий инвестицияларни жалб қилиш бўйича устувор йўналишлар белгиланганлиги бежиз эмас.

Кичик бизнес ва хусусий тадбиркорликнинг жадал ривожланишини таъминлаш, хусусий мулкни ҳимоя қилиш ва унинг даҳлсизлиги кафолатларининг ҳуқуқий механизмларини янада мустаҳкамлаш, тадбиркорликни ривожлантириш йўлидаги бюрократик тўсиқларни бартараф этиш, экспортни қўллаб-қувватлаш ва республикада инвестиция ва ишбилармонлик муҳитини яхшилаш мақсадида Ўзбекистон Республикаси Президентининг 2013 йил 8 августда “Кичик бизнес ва хусусий тадбиркорлик субъектлари экспортини қўллаб-қувватлаш борасидаги қўшимча чора-тадбирлар тўғрисида” ги ПҚ-2022-сонли, 2016 йил 5 октябрда “Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир қўшимча чора-тадбирлар тўғрисида”ги ПФ 4848-сонли, 2016 йил 16 мартдаги “Кичик бизнес ва хусусий тадбиркорлик субъектлари экспортини қўллаб-қувватлаш жамғармаси фаолиятини янада такомиллаштириш чора-тадбирлари тўғрисида”ги ПҚ-2507-сонли, 2017 йил 17 августдаги “Тадбиркорлик фаолиятини ривожлантиришни қўллаб-қувватлаш давлат жамғармасини ташкил этиш тўғрисида”ги ПҚ-3225-сонли, 2017 йил 22 августдаги “Кичик тадбиркорлик субъектларига микромолиявий ёрдам кўрсатиш, янги иш ўринлари ташкил этиш ва кам таъминланган оилаларга микромолиявий хизматлар кўрсатишни назарда тутадиган лойиҳаларни молиялаштиришга доир қўшимча чора-тадбирлар тўғрисида”ги 655-сонли қарор ва фармонларнинг қабул қилинганлиги миллий иқтисодиётнинг мутаносиблиги ва барқарорлигини таъминлаш, унинг таркибида саноат, хизмат кўрсатиш соҳаси, кичик бизнес ва хусусий тадбиркорлик улушини янада кўпайтиришга асос бўлди.

Мамлакатимизда кичик бизнес субъектлари учун яратилган бундай имкониятларнинг натижасини йилдан-йилга янги ташкил этилган кичик бизнес субъектлари сонининг ўсишидан ҳам кўриш мумкин [3].



1-диаграмма. Янги ташкил этилган кичик бизнес субъектлари сони


Кичик бизнес ва хусусий тадбиркорлик субъектлари бозорга осон ва тез кириб бориб, ундаги ўзгарувчан муҳитда эластик ҳаракат қила оладиган қобилиятга эга бўлганлиги учун ҳам улар инвестицияларни киритилишидан ва инвестициялардан фойдаланишга жуда мойил бўладилар.

Ривожланган мамлакатлардаги кичик бизнес субъектлари фаолиятини таҳлил қилсак, уларнинг аксарияти инвестицияларни эркин жорий эта олади, шу билан бирга, инвестициялардан унумли фойдалана оладилар ҳам. Кичик бизнес субъектларини инвестициялаш 2 хил мақсадда амалга оширилади. Биринчидан, янги кичик бизнес субъектини яратиш, иккинчидан банкрот бўлган кичик бизнес субъектларининг ҳаётийлигини сақлаб қолиш.

Ривожланган мамлакатлардаги кичик бизнес субъектлари инвестициялар асосида ривожланиб, тармоқланиб боради. Масалан, АҚШнинг аксарият корхоналари Япония инвестициялари асосида ўз фаолиятини тиклаб олган. Англиядаги кичик бизнес субъектлари Нидерландиялик инвесторлардан фойдаланади. Ҳозирги кунга келиб АҚШ иқтисодиётида фаолият кўрсатаётган кичик бизнес субъекти вакиллариининг иқтисодий алоқаларида Хитой инвесторларининг улуши жуда катта.

Демак, мамлакат иқтисодиётида кичик бизнес фаолиятини янада кенгайтиришни рағбатлантиришда уларни инвестициялашда имтиёзли кредитлашнинг ҳам аҳамиятли томонлари кўп экан. Шундай экан, ривожланган мамлакатларда ва айрим ўтиш иқтисодиёти мамлакатларида кичик бизнесни инвестициялаш борасида бой тажриба тўпланганлигини ва уларни ўрганиш ва умумлаштириш Ўзбекистон амалиёти учун муҳим амалий аҳамият касб этади.

Ривожланган мамлакатларда кичик бизнеснинг қай даражада аҳамиятга эга эканлигини қуйидаги маълумотлари орқали кўриш мумкин.



2- диаграмма. Европа Иттифоқининг етакчи мамлакатларида кичик бизнеснинг мавқеи [4]

Келтирилган маълумотлардан кўринадики, кичик бизнес Европа Иттифоқининг етакчи мамлакатларида юқори мавқеига эга. Мазкур мамлакатлар ялпи ички маҳсулотининг 50 фоиздан ортиқ қисми кичик бизнес соҳасида яратилмоқда, унинг умумий бандликдаги улуши 71 фоизга етган. Бунинг ўзига хос хусусияти шундаки— таҳлил қилинаётган мамлакатларда мавжуд корхоналарнинг 97-99 фоизи кичик бизнес субъектларидир.

Кичик бизнес иқтисодий конъюнктуранинг ўзгаришларига мослашувчанлик даражасининг нисбатан юқори эканлиги, соғлом рақобат муҳитининг мавжудлиги ва улар фаолиятининг давлат томонидан молиявий қўллаб-қувватлаш тизими шакллантирилганлиги кичик бизнеснинг ривожланган мамлакатларнинг ижтимоий-иқтисодий ҳаётида муҳим ўрин тутишига олиб келди.

Мазкур мамлакатларда кичик бизнес субъектлари илмий-техника тараққиётини рағбатлантиришда муҳим роль ўйнайди. Бостон Университети технологиялар Марказининг маълумотларига кўра, бозорга чиқарилган ҳар 1 млн. АҚШ доллари миқдоридаги тадқиқот ва ишланмаларга кетган харажатга тўғри келадиган янги турдаги маҳсулотлар сони кичик корхоналарда ўртача кўрсаткичдан икки баробар юқоридир.

Ғарбий Европа мамлакатларида кичик бизнес субъектларининг 30 фоиздан 60 фоизгача қисми инновацион фаол ҳисобланади [3].

Бизга маълумки, кичик бизнес субъектлари ўз фаолиятини анъанавий ва инновацион тадбиркорлик шаклларида олиб боради.

Инновацион тадбиркорлик — янгилик яратиш мақсадида иқтисодиётдаги ҳали маълум бўлмаган ёки кенг тарқалмаган омиллардан фойдаланиш ёки уларни анъанавий омиллар билан янги тарзда уйғунлаштириш орқали янги ёндашув асосида олиб бориладиган тадбиркорлик фаолиятidir. Инновацион тадбиркорликнинг устун жиҳати бу унинг анъанавий тадбиркорликка нисбатан кўпроқ натижа олиб келиши ҳисобланади. Бироқ, айти пайтда таъкидлаш

лозимки, инновацион тадбиркорлик тадбиркорларнинг олдига ўзига хос талаблар қўяди, уларнинг доимий равишда ижод қилиши ва изланиши, янги билимларни ўзлаштириши ва амалиётга жорий этиши, янги технологияларни қидириши ва улардан самарали фойдаланишини тақозо этади. шунга кўра, Президентимизнинг таъбирича, фаол тадбиркорликнинг асосий шarti инновацион фаолият тури билан шуғулланиш ҳисобланади. Бу эса тадбиркорлик фаолиятида замонавий ёндашувлар, илғор технология ва бошқарув усулларида фойдаланишни кўзда тутди [1].

Бугунги кунда кичик бизнес субъектларининг инновацион фаоллигининг натижасини қуйидаги статистик маълумотлардан ҳам кўриш мумкин.



3-диаграмма. Кичик бизнес субъектлари фаолиятининг иқтисодий тармоқларидаги улуши

Демак, кичик бизнес субъектларининг инновацион фаоллиги уларнинг рақобатбардошлигини таъминлашда муҳим ўрин тутар экан. Шу сабабли, тараққий этган мамлакатларда кичик бизнес субъектларининг инновацион фаоллиги давлат томонидан қўллаб-қувватланади. Масалан, Германияда кичик бизнес субъектларининг инновацион лойиҳаларини амалга ошириш, уларнинг илмий-техникавий ишланмаларини рағбатлантиришга қаратилган давлат дастури мавжуд. Мазкур Дастур доирасида кичик бизнес субъектларига 1 млн. еврогача бўлган миқдорда 10 йилгача муддатга имтиёзли кредит берилади, бунда дотация миқдори кредит суммасининг 3 фоизидан 10 фоизигача бўлган қисмини ташкил этади [2].

Юқоридагилардан хулоса қилиб шуни айтиш мумкинки, кичик бизнес ва хусусий тадбиркорлик фаолиятини янада ривожлантириш орқали мамлакатда иқтисодий барқарорлигини таъминлашдаги унинг улушини оширишга эришиш учун юртимизда барча имкониятлар яратилган бўлиб, бунда қуйидагиларга алоҳида эътиборни қаратиш лозим:

- тадбиркорлик фаолиятини янада ривожлантириш соҳаси давлат сиёсатининг муҳим устувор йўналиши эканлигидан келиб чиқиб, кичик бизнес ва хусусий тадбиркорлик субъектларини инвестициялаштиришда кичик бизнес

субъектлари жамғарма маблағларидан фойдаланишнинг табақалаштирилган тизимини яратиш;

- кичик бизнесни инвестициялашда маҳаллий ва хорижий кредит ресурслари, тўғридан-тўғри хорижий инвестициялар ҳисобига ишончли таъминлаш механизмларини ишлаб чиқиш;

- янги иш ўринлари ташкил қилаётган корхоналар фаолиятини молиявий қўллаб-қувватлаш, шу жумладан уларга технологик жиҳозлаш ва модернизациялаш учун замонавий ускуналар ва мини-технологиялар харид қилишга кредитлар ажратишда ишлаб чиқариш ҳажми нуқтаи назаридан ёндашиб, кредитни қайтариш суммасини белгилашни йўлга қўйишга эришиш.

Фойдаланилган адабиётлар:

1. Шавкат Мирзиёев. Ўзбекистон Республикаси Президентининг олий Мажлисга мурожаатномаси. Халқ сўзи. 2018 йил 29 декабрь. № 271–272(7229–7230)
2. Щенин Р.К. Экономика Европейского Союза. – М.: КноРус, 2012. – С. 139.,141.
3. <https://cyberleninka.ru/>.
4. <http://www.gias.ru>.

К методике оценки инвестиционной привлекательности регионов

Сабиров Ойбек Шавкатбекович¹

¹*соискатель ТГЭУ, e-mail: o.sabirov@tsue.uz*

Современный этап экономического развития Республики Узбекистан вскрыл многочисленные проблемы в реальном секторе экономики, решить которые можно, в том числе за счет дополнительного притока капитала. Поэтому, не зря Президентом страны был объявлен «2019 год в Республике Узбекистан – годом активных инвестиций и социального развития», что усилил внимание науки и практики управления к вопросу грамотного распределения инвестиционных ресурсов, а также ужесточил требования, предъявляемые инвесторами, к отбору объектов для инвестирования.

В направлении 3.8. “Реализация активной инвестиционной политики и оправдание доверия инвесторов” в пункте 109 Государственной программы по реализации Стратегии действий по пяти приоритетным направлениям развития Республики Узбекистан в 2017-2021 годах в «Год активных инвестиций и социального развития» поручено «разработка стратегии инвестиционной политики Республики Узбекистан, где одно из центральных мест уделено вопросам обеспечения инвестиционной привлекательности страны и её регионов»[1, 23].

Тем самым явно прослеживается необходимость комплексной, научно-обоснованной и в то же время понятной для инвесторов и других